

Propædeumata Aphoristica

IOANNIS DEE, LONDINENSIS,

De Præstantioribus quibusdam

Nature Virtutibus.

Liber Nicolai

SVPERCAELESTES
RORETIS AQVAE.

ET TERRA FRUCTVM
DABIT SVVM

Graye.



QVATER Δ NARIVS
IN TERNARIO CONQVIESCENS.

Londini.

Anno. M.D.LXVIII.

Typographus Lectori.

Habes hic Canside Lector, hanc secundam istorum A-
phorismorum aditionem, longè emendatissimam, ex ipsius
Authoris autographo, accuratissimè impressam. Illa enim
qua Anno 1558 emissa erat, magna Typographi in-
curia, permultis claudicabat locis, ueluti tu ipse,
ex diligenti nostrorum laborum collatione,
facillimè indicare possis. His igitur
utaris, fruarisq. Vale.

Anno à partu Virginico 1567
Mense Decembri, Londini.

Clarissimo viro D. Gerardo

MERCATORI, RVP ELMVNDANO,

Philosopho & Mathematico

illustri, ac amico suo lon-

gè charissimo,

IOANNES DEE, LONDINENSIS,

S. D. P.



*N*decimus iam agitur annus (humanis-
sime, doctissimeq; mi Gerarde) ab illo,
quo nostris ego relictis Academijs, om-
nibusq; nostrarum scholarum, in artium
septem (liberalium dictarū) professione, percursis or-
dinibus: sine subere (ut in prouerbio est) nare, & in
Regiones transmarinas coeperam peregrinari, ad ip-
sos inuestigandos fontes, à quibus hac nostra ætate, plu-
rimi ad nos optimarum quarumq; Artium deducebantur
canaliculi: & cum illis vitam ducere familiarem,
quorum uel leuissimus quisque vnius diei in scribendo,
labor, nobis antea domi desidentibus, per anni ferè us-
nius spatium, satis (ad intelligendum) faceret negotij.
Atque in isto primæ meæ peregrinationis inchoato
cursu, quoniam in te, primū omnium, Louanij tum as-
gentem, incidere, maximo mihi summi Numinis ob-
tigit fauore: & ex tuis mecum disceptationibus, tum
primas tum altissimas ut radices ageret tota meæ peo-

A.ij.

regina

EPISTOLA

regina philosophandi ratio: Nunc proinde ego esse
 æquum censeo, rationiq; maxime consentaneum, ut iam
 primò peregrinantes, laborum etiam tu meorum pris-
 mitias, iure tibi uendices meritissimo. Et maxime, cum
 mutua nostræ amicitia, familiaritatisq; consuetudo ea
 erat, toto ut triennio, uix totos tres simul dies, alter
 alterius lubens careret aspectu: & ea utriusque nos-
 trum discendi, philosophandiq; auiditas, ut postquam
 conueniremus, tribus uix horæ minutis, ab arduarum
 & utilissimarum rerum indagatione abstinere mus. An
 non huius nostræ tam sinceræ amicitia, & tam suaui-
 ter continuatæ philosophandi rationis, gratia, aliquod
 saltem σνταγμα, uel monumentum, sempiternæ ho-
 minum memoriæ commendare debuimus: ut inde sua-
 uissimum illud amicitia uinculum, quo nostri in perpe-
 tuum copulantur animi, suis quoquenectere disputa-
 tionibus, postera studiosorum excitetur ætas? Et non
 alter alterius uel contemnere studia, uel eruditioni in-
 uidere: capita sed simul conferre, ad ueri inquisitionem
 & utilissimas amplificandum disciplinas. Atque ut
 hanc potissimum materiam, hoc tempore mihi tra-
 ctandam, eligerem: penultima tuæ ad me litera, in quâ
 bus, de nobili illa, inter nos olim agitata, controuersia,
 memoriam mihi uelle refricare, uidebaris, occasionem
 dedere. Nec in istius enodatione, seu potius demon-
 stratione, longiorem me nunc esse, uel ualetudo, quæ
 iam

quæ iam per integrum annum periculosissime labefacta
 etata fuit (etiam si uoluiffem maxime) tolerauit: uel
 ipsa, de Cœlestium corporum uirtute, Disciplina, de-
 siderare uidetur. Ex his enim quæ in medium attulis-
 mus, tum ad infinitos particulares, in Arte casus, Ap-
 podicticè procedendi haberi facultas potest: tum ipsa
 præterea disciplina præcipua, in his sunt tacta, con-
 firmataq; fundamenta: unde de alijs eius Artis quid
 sit statuendum præceptis, industrio facile constabit ar-
 tifici. Non tamen infinitas multorum *ἑταυρολογίας*
 probo nugas, uel futilia decreta: quæ nec ipsi tas-
 lium scriptores, rationum stabilire momenti possint,
 nec ullus unquam alius, à Naturæ uiribus talia profici-
 cisci, obseruando intelligere. Tu ergo qui *ΝΑΤΥΡΑΕ*
 obseruatissimus esse Cultor soles: *ΝΑΤΥΡΑΕ*, in istis
 Aphorismis, scrutare uirtutes ueras, uirtutes ma-
 gnas, uirtutes paucis uix credibiles Sapientibus, de
 paucissimis notas. Et ne τῶν ἀμυντικῶν, suo sibi ma-
 lo, ea hinc expiscari, elicerèue contendat, quæ illi non
 sunt scripta, tu cum *ΡΕCΕΠΕΡΙΣ*, edicas publice. At-
 q; hæc hætenus. Cum autem in literis tuis ad me, ferè
 omnibus, quid ipse præ manibus habeam, à me scire,
 soles contendere: & in illis certe, quas ante nominauì,
 penultimis mecum egisti maxime, ut magnum illud op-
 pus meum Apodicticum, de Arte noua (ut tu uoc-
 cas) quàm primum uel in lucem darem, uel eius te-

A. iij.

EPISTOLA

ut participem facerem: me Scias, præter periculosissimum, quo toto iam proxime elapso anno laboravi, morbum, alia etiam multa (ab illis, qui. &c.) esse perpeſſum incommoda, quæ mea studia plurimum retardauere: viresque etiam meas, nondum posse tantum ſuſtinere ſtudiij laborisq; onus, quantum illud, Herculeum penè (ut perficiatur) requireret opus. Vnde ſi mea haud quæat opera uel abſolui, uel emitti, dū ipſe ſim ſuperſtes, Viro illud legavi eruditissimo, grauissimoq; qui Artium Mathematicarum unicum nobis eſt relictum & decus & columen: nimirum D. D. Petro Nonio Salaciensi: Illūque obnixè nuper orauī, ut, ſi quando poſthumum, ad illum deferetur hoc meum opus, benignè humanitèrque ſibi adoptet, modisq; omnibus, tanquam ſuo, utatur: abſoluere denique, ſummare, ac ad publicam Philoſophantium utilitatem perpolire, ita dignetur, ac ſi ſuum eſſet maxime. Et non dubito, quin ipſe (ſi per uitam ualeitudinemque illi erit integrū) uos tu me faciet compotem: cum & me tam amet fideliter, & in artes, Chriſtianæ Reip. ſumme neceſſarias, gnauiter incumbere, ſit illi à natura inſtitum: uoluntate, induſtria, uſūque confirmatum. Tuis igitur uotis, de laborum meorum euulgandis monumentis, nondum me poſſe ſatiſſacere, licet iam clare ſatis docui, Si tuæ tamen petitioni de ſcriptorum meorum habendo Catalogo, non reſponderem, meritò me maxime damnares ingratitudinis. Entibi ergo eorum Titulos, quæ
per

N V N C V P A T O R I A.

*per medias meas, maximasque difficultates, ita & me
mibi composita, scriptaque extant, ut eadem (cum vis
ribus ualeam corporis, dulci que fruor octo) in publi-
cum producere (non mihi tantum esse cognita) exope-
tem maxime.*

*Παρι Αριθμολογίας τῆς Μαθηματικῆς. opus mathemati-
cè demonstratum. lib. 16.*

2 De Planetarum, Inerrantium stellarum, Nubiumq;
à centro terræ distantis: & stellarum omnium veris
inueniendis magnitudinibus. lib. 2. demonstr.

3 De Speculis comburentibus. lib. 5. demonstr.

4 De perspectiua illa qua peritissimi illustrissimiq;
vultus pictores. lib. 2. demonstr.

5 De tertia & precipua Perspectiue parte, quæ dera-
diorum fractione tractat. lib. 3. demonstr.

6 De Cœlestis Globi amplissimis commoditatibus.
lib. 2.

7 Speculum vnitatis: siue Apologia pro Fratre Ro-
gerio Bachone Anglo, in qua docetur, nihil illum
per Dæmoniorum auxilia fecisse, sed Philosophum
fuisse maximum: naturaliterq; & modis homini
Christiano licitis, maximas fecisse res: quas indoctū
solet vulg⁹ in Dæmoniorum referre facinora. lib. 1.

8 De noua Nauigationum ratione. lib. 2.

9 De Anuli Astronomici multiplici vsu, capita centū.
liber vnus.

10 De Itinere subterraneo. liber vnus.

11 De Trigono Circinoq; Analogico. lib. 3.

*Aliorum adhuc tacebo nomina: qui tamen ante istos
rum quosdam (annuente Deo) publica frui luce posse
sint. Hoc autem opusculum, (numero duodecimum)
leui munitum armatura, tanquam Exploratorem, in
uarias emitto regiones: ut uera mihi doctorum probos*

A. M.

rum.

rumq; hominum referat iudicia, uotaq; hac à me tanta tractari, lucique promitti argumenta. Vt existius Exploratoris relatione, mecum & doctis cum amicis, rationem ineam, num istas meas (qualescunque) copias, in peregrinos actutum producere campos, uel domi, adhuc diligentius, in militari educare disciplina, debeam. Iam restat ut te maxime orem, egregia tua Inuenta, tam in excellentissima illa Philosophia parte, qua Physica uocatur, quam in geometricis, & geographicis rebus, publicis (quam primum queas) ut committas hominum studijs: sic enim Rempub. literas riam (de qua annos ante multos, multis magnisq; tuis laboribus, es optime meritus) istis utilissimis tuis, nouisque Inuentis, eximie profecto amplificabis. Valeas: Coeptisque tuis pulcherrimis, Deus Opt. Max. exitus largiatur foelicissimos. Iterum Vale.

Londini, anno à nostro nato Redemptore 1658, Iulij. 20.

Lectori

Philosophiæ sincerioris studioso,

IOANNES DEE LONDINENSIS

S. D. P.



PHORISMOS ENTIBI NOSTROS, secunda iam emitimus consultatione : Numero eorundem, Ordine, vel Materia, haud mutatis quicquam. Aphorismos, eosdem ego quidem, Prouectioribus esse scio : At in multarum magnarumq; Scientiarum cognitione non adeo progressis, longiusculos profecto, difficilesq; libros. Ex Communi, tritaue philosophandi via, qui huc (Miser) diuerterit, Labyrinthum esse diuersorium, actutum exclamabit. Quodcunq; enim egregium, in Antiquorum vel Verorum quorumcunq; philosophorum experientia Theoriaue fuisse aliquando positum, vel legendo, vel meditando, vel periclitando, vel peregrinando, ipsemet intelligere, excogitare, inuenire, audire, videreq; olim potui, Id omne, vel **SELECTISSIMA QVAE QVBPOTIUS, IN CORPVS VNVM SOLIDVM æquioris CONGLOBATA**, tuis hic commisi studijs. Et præter omnium Maiorum nostrorum Inuenta præclarissima, quam Mirificis, Honorificisq; ornamentis hoc sit confertum **ΕΥΤΑΥΜΑ**, frequenti si tu perquiras lectione (accuratius quæq; pensitando) certissime conspiciēs. Sed tamen quæ ego veritatis illustrandæ, amplificandæq; stimulatus desiderio (quò soli tibi essent plenissime perspecta) nervos mei contenderim ingenioli, tu noli indignis profanisq; manifesta reddere: ne & tibi & mihi tum dedecori, tum damno vertatur maximo. Vale amice: Manibusq; bene precator meis.

Ex Museo nostro Mortlacensi,

Anno 1567. Decemb. 24.

A. i.


Ioannis Dee Londinensis, de

præstantioribus quibusdam NATURAE

Virtutibus γεωμετρικὰ ἀποδεικνύμενα.

Aphorismus 1.

PRÆTER

 T DEVS, EX NIHILO, ~~CONTRA~~ rationis & naturæ leges, cuncta creavit: ita in Nihilum abire, rerum creatarum aliqua nunquam potest, nisi ^{præter} ~~contra~~ rationis Naturæq; leges, per Supranaturalem Dei potentiam fiat.

2.

Mirabiles ergo rerum naturalium Metamorphoses fieri à nobis, in rei veritate possent, si artificiosè Naturam ex pyronomiæ Institutis vrgeremus. Naturam autem ego dico, Rem Creatam quamcunq;.

3.

Non solum ea Esse asserendum est, quæ Actu in rerum natura sunt conspicua, notaq;: Sed & illa quoq; quæ quasi Seminaliter, in naturæ latebris, Extare, Sapientes docere possunt.

4.

Quicquid Actu existit, Radios orbiculariter eiaculatur in singulas mūdi partes, qui vniuersum mundum suo modo replent. Unde omnis locus mundi radios continet omnium rerum

rerum in eo Actu existentium.

5.

TAm Substantia quàm Accidens, suam à se Speciem exerunt: Sed Substantia omnis, excellentius multò quàm accidens. Et Substantiarum quidem, illa quæ incorporea & spiritalis est, (vel quæ Spiritalis facta est) in hoc munere longè superat illam quæ est corporea, ac ex fluxis coagmentata elemētis. Licet quantò res sunt nobiliores, tantò incompletiorem suam Speciem faciant; Species enim completa, idem obtinebit nomen cum principali agente.

VI.

Sicut vna res differt ab alia, ita & earundem radij differunt in efficiendi virtute, & effectus conditione, dum circa eandem omnino rem operantur.

VII.

RAdiorum quorumcunq; ab vna re in diuersas emanantium, diuersi sunt effectus.

8.

Quicquid in aliud agit, simile quodam modo est, at alio quidem modo dissimile prorsus illi est in quod agit, aut nulla est actio.

9.

Quicquid in mundo est, ad aliud quid ordinem, conuenientiam, & conformitatem habet.

B.ij.

X.

Q Væcunq; res sunt sibi mutuo coordinate, cōueniētes, vel conformatæ, vna aliam tū spon- te imitatur sua, tum etiam aliquādo vna ad aliam localiter accurrit: vnaq; aliam (quantum potest) tuetur & munit, etiamsi interea vis sibi inferri videretur. Per harum ergo rerum naturalium (modis varijs) in mundo Separatim existentium, Vnionem: & aliarum Seminaliter tātum prius in Natura positarum, Actuationem, miranda magis, verè, naturaliterq; (nec violata in Deum fide, neq; Christiana læsa religione) præstari possunt, quàm quis mortalis, credere queat.

M Undus iste totus est quasi lyra, ab excellentissimo quodam artifice concinnata: cuius chordæ, sunt huius vniuersitatis Species singulæ, quas qui dextrè tangere pulsareq; nouerit, mirabiles ille eliciet harmonias. Homo autem, per se, Mundanæ isti Lyre, omnino est Analogus.

Sicut lyra, constitutio quædam est tonorum consonantium atq; dissonantium, aptissima tamen ad suauissimam & infinita varietate mirabilem exprimendam harmoniam: Sic Mundus iste partes intra se complectitur, inter quas arctissima conspiciatur Sympathia: alias autem inter quas dissidium acre, atq; Antipathia notabilis: ita tamen, vt tum illarum conspiratio mutua,
tum

tum istarum lis atq; dissensio, ad Totius consensum atq; Vnionem admirandam egregiè faciat.

XIII.

Sensus nostri, non sunt sensibilibus radiorum à rebus effluentium causæ, sed testes.

XIIII.

Species non solum spirituales, sed etiam aliæ naturales à rebus effluunt, tum per Lumen, tum sine lumine: non ad visum solū, sed ad alios interdum sensus, & præcipuè in Spiritu nostro imaginari, tanquam Speculo quodam coalescunt, seseq; nobis ostendunt, & in nobis mirabilia agunt.

15.

Nullus Motus perfectior orbiculari, Nec vlla forma humanis exposita sensibus, LUCE est vel prior vel præstantior. Corporum igitur præstantissimorum & perfectissimorum, hæc duo maximè propria erunt.

16.

Quicquid in mundo est, continuè mouetur aliqua motus Specie.

17.

Pro ratione motuum primorum, qui sunt celestium corporum maximè proprii, cæteri inferiorum motus omnes naturales & excitantur & ordinantur. Mouentur autem ipsa Coelestia aliquando sursum, aliquando deorsum: in anteriorem aliquando partem, aliquando in posteriorem

B. iij.

riorem

riorem, aliquando versus vnum Mundi, vel Eclipticæ polum, aliquando versus alterum.

18.

IN singulis quatuor, Maioris Mundi magnis Matricibus, sunt tres diuersę partes; simul tamē concrete, conformataeque, & iustis suis contemperatae ponderibus: quas iam Notariacè $\dot{A} \dot{O} \dot{S}$, siue $\dot{O} \dot{S} \dot{A}$, siue $\dot{S} \dot{O} \dot{A}$ appellare libet (Sic me enim Pyrologi intelligunt) Harum Trium proprietates effectusque naturales tum principales tum secundarios tum etiam tertios, quàm potes exactissimè discas: Modumque reducendi tertios ad secundos, & secundos ad primos: Itidem tibi est summopere examinandum, quibus casibus, eadem pars, diuersorum, immò contrariorum nonnunquam effectuum esse causa possit.

19.

SI duo, tria, vel quatuor Elemēta, & in quacunque quantitate commisceantur, vt de compositi illius vera natura, Complexione siue Temperamento fias certior, per artem quandam, Graduationum dictam, tibi est elaborandum.

20.

EX qua elementorum proportionē, singulae humani Corporis partes, humores, & spiritus constent (quàm propè fieri potest) Astrologo est peruidendum. In alijs etiam rebus naturalibus idem experiri, atque intelligere est summè necessarium.

necessarium, & valde iucundum.

21.

S Emen quodq; in se potentia habet generatio-
nis cuiusq; integrum & constātem ordinem:
eo quidem modo explicandum, quo & concipi-
entis loci natura, & Circumfusi coeli superueni-
entes vires, cooperando conspirant.

22.

S Icut primi motus privilegiū est, vt sine eo tor-
peant omnes reliqui, sic primæ & præcipuæ
Formæ sensibilis, (nimirum **L V C I S**) ea est fa-
cultas, vt sine ea cæteræ formæ omnes agere ni-
hil possint.

XXIII.

Ο ΤΙ ΑΙ ΔΙΑΝΟΙΑΙ ΕΠΟΝΤΑΙ ΤΟΙΣ ΣΩΜΑΣΙ ΚΑΙ ΟΥΧ ΉΣΙΝ ΑΝΤΑΙ
ΜΕΘ' ΕΑΥΤΑΣ ΑΠΑΘΗΣ ΟΥΣΑΙ ΤΩΝ ΤΩ ΣΩΜΑΤΟΣ ΚΙΝΗΣΕΩΝ,
quis philosophorum non decantat? quis mortu-
lium nō in seipso id ferē quotidie experitur? Vt
etiam & τοῖς τῆς ψυχῆς παθήμασι τὸ σῶμα σύμπαχον
γίνεσθαι. Vnde Medicus per corpus sanat animam
atq; temperat. Musicus autem per animam, cor-
pori medetur & imperat. Qui ergo quāmpluri-
mis modis tū medici tū musici poterit supplere
munus, is hominum & corpora & animos pro
sua ferē gubernaret voluntate. Verum hoc est à
modestius philosophantibus, mysterij cuiusdam
instar tractandum.

B. iij.

XXIIII.

Illa Deus in Magnete proposuit oculis mortaliū spectanda, qualia alijs in rebus subtiliori mētis indagini, & sedulitati experiendi maiori, inuenienda reliquit. Ego tibi vim eius attractiuā primò, deinde expulsiuam, repulsiuam, siue abactiuam, tertio celestis certiꝫ cuiusdam situs appetitionem, Et quartò per solida corpora radios suos essentiales trañciendi potentiam, nūc solum in mentem redigo: aliās alia eiusdem Philosophici lapidis, quasi miracula (diuino fauente Numine) explicaturus.

XXV.

DVplices sunt stellarum omnium radij: alijs sensibiles siue luminosi, alijs, Secretiores sūt Influentiæ. Hi omnia quæ in hoc mundo continentur, puncto quasi temporis penetrant: illi ne adeò penetrēt, quodam modo impediri possunt.

XXVI.

STellæ & vires coelestes, sunt instar Sigillorum, quorum characteres pro varietate materiæ elementaris, variè imprimuntur. Quemadmodū & nostrorum sigillorum insculptæ formæ, facilius in vnā materiā quā in aliam imprimuntur: elegantius in vna, quā in alia: & tenacius in vna quā in alia hærent: & in quibusdam ad quandam quasi perpetuitatem. Hinc Gamæas considerabis attentius, aliaꝫ maiora.

XXVII.

TAm solida quàm diaphana cuncta, quę intra mundi ambitum existunt, penetrandi vis, coelestium radiorum maximè propria, magnam illis influendi, siue suas imprimendi vires facilitatem inesse demonstrat. Vt autem cum elegantiā quadam, deinde cum tenacitate, vel ad infinitum fere tempus retineatur immissa virtus, id ex materiæ in quam influitur dispositione naturali vel præparatione artificiosa, tam in visibili forma quàm in elementaribus qualitatibus & alijs, provenire debet.

28.

Primū mobile est instar speculi sphærici cōcavi, cuius qualemcūq; soliditatem nullus stellarū radius sensibilis penetrare potest: cū etiam nullus esset talis penetrationis vsus apud superiores: sunt & aliæ per plures demonstrationes.

XXIX.

Quascunq; vires per sensibiles radios, stellę efficiendo exercent, non solum directis, sed etiam fractis & reflexis illis radijs, tales suas vires ad effectus oportunos promovere possunt.

XXX.

Magnitudines verę non solum terrestris globi, sed & planetarum fixarumq; omnium stellarum, astrologo debent esse notæ.

C. i.

XXXI.

Distantiæ veræ tam fixarum, quàm singulorū planetarum à centro terræ, quocunq; proposito tempore, astrologo constare debent: sicut & nubium, siue crassioris aëris, variæ à terra altitudines.

Quibus terræ locis, quæcunq; stella siue fixa siue erratica quocunq; dato tempore perpendiculariter immineat: & quantum incidentiæ directæ angulum, cum omnibus alijs locis, supra quorum horizontes, eadem stella, eodem temporis momento eleuatur, efficiat, cum primis est cognitu necessarium.

Sensibilem omnem radium, à stellæ alicuius corpore ad punctum aliud quodcunq; externum emanantem, ac cum eiusdem stellæ conuexa superficie æquales vndiq; efficientem angulos, circumstat conus rectus, radiosus, sensibilisq;: cuius Axis, ipse dictus radius erit: Vertex verò, punctum illud externum: Basis denique, conuexæ superficiei ipsius stellæ ea portio luminosa quæ dicto vertici est proxima, terminaturq; per circuli circumferentiam, ab illo termino lineæ rectæ (à dicto vertice ad stellam ductæ) qui ipsam stellam contingit tantum, descriptam.

R Adiorum à basi luminosa alicuius stellæ, ad aliquod externum punctum effluentium, Axis est fortissimus: & reliquorum, quò ipsi axi fuerint propinquiore, eò erunt remotioribus, fortiores, respectu dicti pñcti. De radijs ex profunditate stellicorum corporum egredientibus, alijs nobis erit dicendi locus.

A Stellis terra minoribus, sensibiles cuncti qui exeunt radij directi ad terrenę conuexitatis, quantam maximam possunt portionem, ab ipsarum conuexarum superficierum (quę tales stellas ambiunt) portionibus veniunt, quę sunt dimidijs maiores. Et quò terrę propiores fuerint, eò à maioribus illis portionibus, radios suos directos terrę communicant: Nunquam tamen terrenę conuexitatis dimidium suis illis sensibilibus radijs attingere queunt, sed portionem, eiusdem dimidio minorem.

O Mnes stellæ terra maiores, plus quàm dimidium terrenę conuexitatis, omni tempore suis sensibilibus & directis radijs illustant: Semper etiam à suę conuexę superficie portionem dimidio minore, illos terrę impertiunt radios. Et quò terrę propinquiore fuerint, eò à minore tali

C.ij. portione

portione radios illos directos ad terrā demittūt.

XXXVII.

OMnes stellę terra minores, quanto terrę propinquiores fuerint, tātō fortiores, eidem sui Luminis radios infundunt : licet minorem eiusdem portionem sensibilibus illis suis directisque radijs afficiant, quā quando sunt remotæ magis.

XXXVIII.

OMnes stellæ terra maiores, quāto terræ viciniore fuerint, tanto fortiores illi suos imprimūt radios: & terræ etiam maiorem portionem sensibilibus istis suis, directisque radijs illumināt, quā quando longiori sunt remotæ interuallo.

XXXIX.

PErpendendę tibi sunt cum summa diligentia Terræ & stellarum quarumcunq; tum terra maiorum, tum terra minorum, portiones illæ Superficiales, Sphæricę conuexitatis, in stellis quidem luminosę, at in terra ab ipsis luminosis illuminate, quæ pro varijs stellarum à terra interuallis, diuersarum sunt quantitatum. Et tam in terra quā in stellis terminantur per terminos superficiei conicę curte, à linea recta, tum ipsam terram, tum ipsarum stellarum corpora contingente, descriptę. Atq; de his portionibus egimus propositionibus. 35. 36. 37. & 38.

XL.

AD quodcunque punctum totius mundi venit alicuius stellæ conus rectus, radiosus, sensibilisque, eiusdem coni basis, minor quidem semper erit, quam dimidium conuexæ superficiei ipsius stellæ, cuius ille fuerit conus. Videant ergo astronomi, qua ratione stellarum metiantur diametros.

Quanto eadem stella ab aliquo puncto totius mundi remotior fuerit, tanto sui radiosi coni recti sensibilisque basis, maior euadit, & quanto Propinquior, tanto minor.

Examinanda tibi erit quantitas huius basis coni, in omni positu cuiusque stellæ, respectu unius alicuius puncti, ubicunque illud punctum statuatur.

Eiусdem stellæ Coni recti luminosi longiores, sunt ipsis breuioribus, quibusdam de causis fortiores: at alias ob causas, longe debiliores: fortiores quidem eò videri possunt, tum quod eorum bases luminosæ, maiores sunt, tum quia anguli ad verticem, minores fiant. Ex his duabus causis simul iunctis, hæc nascitur ratio: Quod in longioribus conis, copiosiores radij, non incidentes solum sed etiam reflexi, magis ununtur: unde maior

ior vis circa talem verticem exercetur. Sed naturaliter & simpliciter, propinquitas agentis ad id in quod agit, breuiiores conos, fortiores efficit.

XLIII.

Quantitatem illius conuexæ superficiei Lunar̃is, quæ quocunq; dato tempore, nobis illuminata conuertitur, accuratè elicias.

XLV.

Horizontem nostrum verum, illum appellamus circulum, qui circumductu eius lineæ describitur, cuius quiescens terminus in Mundi centro fuerit, alter verò in summo statuatur cœlo: ita ut à nostro vertice in huius circuli centrū demissa recta lineæ, eidem circulo perpendicularis existat. At Sensibilem nostrum Horizontem, alibi demonstrauius esse illam terrestris sphaeræ conuexam portionem, quæ (omnibus super terræ vniformem conuexitatem, remotis impedimentis) nobis est conspicua tota: terminaturq; per circuli circumferentiam, ab illo termino lineæ rectæ (ab oculo nostro ad terræ contactum ductæ) qui ipsam terram contingit, descriptam. Hancq; portionem aliquādo maiorem, aliquando minorem à nobis posse conspici, pro varia nostræ altitudinis ratione supra vniformem terreni globi conuexitatem, ibidem docuimus. Ex hac quidem consideratione plurima pendēt, quæ tū in Optica, tum in Astrologia, tum in Magia,

gia, magni esse momēti, experientes percipient.

πρόσμα

Quaecunq; igitur duo coeli puncta ex diametro sunt opposita, vnoquoq; temporis momento in infinitis extant veris Horizontibus: Sed quaecunq; duo coeli puncta, minus Semicirculo distiterint, in vnico tantum haberi possunt Horizonte vero, eodem temporis articulo.

XLVI.

OMnes stellę maiores terra, ab aliqua sui portione radios sensibiles directos, ad nos mittere possunt, antequam earundem centra ad nostrum verum horizontē oriendo peruenerint: Atque ratione eadem, in occasu, sub ipso vero horizonte depressis earundem centris, nos tamen illuminare suis directis radijs possunt.

XLVII.

OMnes stellę, cum in horizonte vero alicuius loci terrestris fuerint, plus in recta linea, ab illo loco distant, quàm cum supra illius loci horizontem sunt eleuatae: siue vno eodēque die, siue quibuscunque diuersis: modò eiusdem stellę, in illis varijs temporibus, æqualis fuerit distantia à centro terrę. Alióqui enim Sol in Capricorni principio oriens, longè nobis propinquior est, quàm quorum imminet capitibus, in Cancro versans: & hoc propter suę eccentricitatis

C. iij.

magnitudinem

magnitudinem: quæ etiam mutabilis est.

XLVIII.

SOlem infra nostrum verum horizontem existentem, accidentarij sui luminis radios ad nos ab aëre procurare, Crepusculinæ eius Luces demonstrât: Tres igitur Superiores & fixarum plurimæ, cum magis sub horizonte latent, quàm ipse Sol, in Crepusculi matutini principio, vel vespertini fine, nobis, sui accidentarij Luminis virtutem, (licet per se non tam sensibilem quàm Solis) communicabunt, instar quorundam suorum crepusculorum. Planetas etiam Sole inferiores hoc modò considerandos moneo. Fitq; hoc (vt dixi) non per principalem aliquem radium, scilicet vel directum fractum vel reflexum) sed per Speciei Speciem, vt *ὀπτική* & *κατοπτρική* periti vulgariter loquuntur philosophi. Qua ratione Solaria Crepuscula inæqualia fiant, vide: & de aliorum planetarum Crepusculis (vti nos nunc illa appellamus) simili perquiras methodo.

XLIX.

Qua ratione stellæ fixæ & singuli planetæ, tam infra horizontem, quàm alibi constituti, ad nos vel alia terræ loca, radios sui luminis, non ab ipso cælo solum, sed aëre, nubibus, aqua, montibus, & similibus corporibus reflectât, perscrutare: radiorumq; cælestium fractiones multiplices

πρόσμετα.

Hinc obscuræ, debiles, & quasi Latentes rerum Virtutes, arte Catoptrica multiplicatæ, sensibus fient nostris manifestissimæ. Vnde non in stellarum solum, sed aliarum quoq; rerum propriæ examinandis viribus, quas per Sensibiles exercent radios, diligens Arcanorum Inuestigator, maximum sibi oblatum auxilium habet.

LIII.

Siquid vel Solis lumen per Lunam efficiat, vel quid ipsa ex se sola, nullis imbuta SOLIS radijs sensibilibus præstare possit, cognoscere quis cupiat: ex plenilunio, & Lunæ eclipsi totali cum mora, artificio catoptrico, elicere potest. Vt ad alia autem, eundem traducat experiendi modum, non opus est vt moneam.

LIIII.

Quò magis ad perpendicularitatem super aliquam elementarem superficiem accedit axis radiosus alicuius stellæ, eò fortius circa talem suæ incidentiæ locum, suas vires illa stella imprimet: directo quidem modo, propter maiorem ægetis vicinitatem: reflexo autem, quia reflexi tales radij, ad incidentes, vicinius conduplicantur. Eccentricitatis ratio, in diuersis zodiaci locis, planetas propiores nobis exhibere potest, cum acutissimus prorsus erit incidentiæ angulus cum nostro

A P H O R I S T I C A.

ees attende in aëre, nubibus, & aquis: Et infinitam Dei bonitatem Sapientiamque admirari & laudare cogēris.

L.

VT Stella quaelibet proprium habet nomen ex ipsius Dei impositione, Sic & naturam in se habet virtutemque propriam, qualis in nulla alia, eadem omnino inueniri potest.

L I.

AD quodlibet totius mundi punctum, & quolibet temporis momento, ab omnibus stellis fixis & planetis fit talis radiorum cōcursus, qualis, ex omni parte similis, ad nullū aliud punctum, nec vllō alio tempore, naturaliter cōstitui potest.

L II.

KΑΤΟΠΙΣΜΟ si fueris peritus, cuiuscunque Stellae radios in quamcunque propositam materiam fortius tu multo per artem imprimere potes, quam ipsa per se Natura facit. Haec quidem Antiquorum Sapientum multo maxima naturalis Magiae pars erat: Et est Arcanum hoc, non minoris multo dignitatis, quam ipsa augustissima philosophorum **A S T R O N O M I A**, **I N F E R I O R** nuncupata: cuius Insignia, in quadam inclusa **M O N A D E**, ac ex nostris Theorijs desumpta, tibi vnā cum isto libello mittimus.

D. I.

πρόγραμμα.

Ista Insignia
fussissime haec
bes explicata,
in nostro nus
per emissio
bello, Cui est
Titulus M O
N. A S Hic
volyptia.

A P H O R I S T I C A.

stro vero horizonte, vel alia superficie: At nos, & supra de hac re diximus: & nunc significamus, in aequalibus à centro terrae distantijs, generalem hunc nos enuntiare aphorismū: esse tamen tum vtilissimum, tum iucundissimum considerare exceptionis huius rationem, in varijs eccentricorum circulorum locis.

L V.

QUò stellae eiusdem Mora, supra horizontem maior fuerit, eo ad suae virtutis fortiorem faciendam impressionem, per directos suos radios, est accomodatior.

L V I.

EX horum tantum trium diuersa contemperatione, scilicet Vicinitatis, Anguli incidentiae, & Morae, o quam multiplex consurgit ratio pro viribus eiusdem stellae exercendis, supra alicuius loci horizontem.

L V I I.

MOmentaneus quilibet coeli status, tum effectus suos metit infinitos, tum in aliorum euentuū. Semina (cōgruis maturanda constellationibus) vires intendit ac imprimit efficaces.

L V I I I.

OMnium coelestium motuum, ille velocissimus est, quem, versus occasum, semper, vigin-

D. II.

ti quatuor æqualium horarum spatio, æquatoris conficit peripheria: atque hunc, Diurnum Totius motum vulgariter vocant.

LIX.

QUO æquatori sunt propiores paralleli circuli, eò citatiore motu versus occasum, illorum circumferentiæ, æquatoris sequuntur motum.

LX.

QUAM inter se rationem habuerint, circulorum duorum quorumcunq; æquatori parallelorum, circumferentiæ, eandem rationem habebunt, & earundem velocitates, in diurno Totius motu: Hoc tu ad planetas & stellas fixas trāsfer, diurnorum arcuum respectu, &c. Circumferentiæ autem eam inter se habent rationem, quam ipsorum Diametri Circulorum.

LXI.

PERIODOS quascunq; videmus NATVRÆ præpotentis inuiolabili lege, à cœlestibus ipsis absolui corporibus, maxima cum diligentia, à nobis animaduertendas asserimus: PERIODVM hoc loco vocamus, planetæ, stellæ fixæ, vel alicuius cœlestis puncti, ad priorem locum vel priori valde similem, per circularem motum, completam restitutionem. Tempusq; quod interea fluit, huiusmodi Conuersionis, Periodum nominamus.

LXII.

A Natura omnes hos illustriores recipimus circulos: Horizontem, Meridianum, Aequatorem, & illi parallelos omnes: Eclipticam: Eccentricos planetarum: Epicyclos, & alios, quos ex Theoricis planetarum, Astronomicisq; Canonibus, accurate discendos, monemus.

Circuli omnes, Positionum (vulgariter sic dicti) sunt circuli naturaliter definiti: Cū omnes illi quorundam aliorum locorum sint horizontes veri: etiam si infiniti tales, inter horizontem tuum & meridianum statuerentur. At quō propius versus mundi polos accedis, Naturam vides quasi pedetentim istos recusare: duasq; tantum ex tribus illis generalissimis, Coelestia Thematata describendi vijs, sibi sub polis assumere: vt & sub æquatore duas præcipue admittit: in locis autem intermedijs, tres: per meridianos scilicet: circulos, eclipticæ longitudinem ad rectos secantes angulos: & per istos horizontales: licet infinitis alijs modis, Natura, suarum distinguat virium proprietates.

Periodus æquatoris, est alicuius in æquatore, vel alterius puncti coelestis, ad eundem meridianum, restitutio: viginti quatuor æqualium horarum spatio, per motum Totius diurnum,

D. iij.

absoluta.

absoluta. Hæc autem omnium cœlestium periodorum, est simplicissima, sibiq̃ semper æqualis.

LXV.

Dies naturalis, siue periodus Solis diurna, est tempus quod fluit, dum per Totius motum diurnum, Solis centrum ad eundem reducitur meridianum: Ista quidem periodus, valde inæqualis existit longitudinis.

LXVI.

ANnus tropicus solaris, est tempus periodicum, quo Sol, per proprium suum motum, ad eundem eclipticę summæ locum restituitur. Huius magnitudo hac nostra ætate, obseruata est, dierum esse 365, horarum 5, & scrupulorum primorum 55, secundorum autem, ferè 20. Mutabilem etiam huius esse longitudinem, obseruationes excellentium Mathematicorum exactissimæ, demonstrant.

LXVII.

ANnus Solaris siderius, est tēpus periodicum quod labitur interea dum Sol per propriū motum suum, ad eandem stellam fixam redit: vel ad æqualem prorsus distantiam (secundū eclipticę longitudinem) ab eadem stella fixa. Cuius magnitudinem, Thebites, Choræ filius, inuenit dierum naturalium 365, horarum 6, scrupulorum

APHORISTICA.

rum primorum 9, secundorum autem 20. Copernicus autem aliquanto maiorem, hoc nostro seculo esse, demonstravit: per 20 circiter secunda, scilicet.

LXVIII.

L Vnares periodos veras, tū ad eandem eclipticæ longitudinem, tum ad Solis coniunctionem, exacta ratione per numeros examinatas, pro quocunq; dato tempore, habeas. Sunt enim inæquales valde.

LXIX.

Periodus Lunæ diurna, siue dies Lunaris, est per motum Totius diurnum, lunaris centri ad eundem meridianum restitutio perfecta: singulis penè diebus, hæc, suam mutat quantitatem. Similes etiam reliquorum planetarum restitutiones ad eundem meridianum, considerantes, easdem appellabimus eorundem Dies: videlicet vel Saturni, vel Iouis, vel Martis, vel Veneris, vel Mercurij. Fixarum stellarum tardissimus motus, diei vnius spatium, parum exhibebit discriminis inter suam & Equatoris diurnam periodum.

LXX.

V T Luminariū secundū eclipticam, ita reliquorū quinq; planetarū omnes, quas verè & naturaliter cōficiunt periodos, tibi omni tēpore D. iij. perpendendas.

perpendendas commendamus, tam in eccentricis, quam in epicyclis suis, per proprios suos motus. Simples quidem per se (quantum potes) ut distinguas, cōpositas item seorsim, monentes.

LXXI.

VT Lunæ periodicas cum sole cōtiones observamus, ita & cuiusq; planetæ reditū ad alium tardiori affectum motu (vero quidem & proprio) quā is est, cuius restitutionem periodicā consideramus, maxima diligentia notandum significamus.

LXXII.

VT motus ille, qui est æquatoris proprius, omnium cœlestium motuum est velocissimus; ita planetarum omnium periodi diurnæ, sunt omnium quas verè conficiunt, brevissimo transactæ tempore.

LXXIII.

EX cœlestium corporum Imitatione, quæ in inferioribus regulari aliqua & ordinata fieri ratione cernitur, sinceræ veritatis amantes, studiosq; experientes, clarissimè elicere possent, quæ res, vel tota, vel in sui aliqua parte, cui planetæ, fixæ, vel plurium stellarū colligationi subijciatur maximè: ita ut ille planeta, stella fixa vel plurium stellarum colligatio, huius rei vel effectus, præcipuus & quasi proprius Significator (astrologorum

astrologorum vt vtamur phrasi) possit censerī.
Istam autem Imitationē varijs posse modis fieri,
cuius constare credo philosophanti. Non me
ergo est vel in Motu solo, Forma vel Figura, sed
in alijs etiam proprietatibus & qualitatibus, hāc
obseruari velle putandum.

Confectarium. 1.

M Agus proinde industrius, Microcosmi A-
nalogis stellaturis, ita Signata, applicando,
Harmoniam experiretur maximam. Quæ enim
Vni Tertio cōueniunt, & inter se conuenientiam
habere necesse est.

Confectarium. 2.

H Orum ergò Trium, duobus quibuscūq; no-
tis, quale quærendum est Tertium, consta-
re potest. Horumq; Trium Anatomix, singulo-
rum propriæ, sunt in reliquis duobus: Sed modo
quidem diuerso, scilicet Cœlesti, Terrestri, vel
Microcosmico. Exempli gratia, Solem, Aurum,
& Cor hominis, tibi proponimus ex Anatomix
Magicæ consideranda Legibus.

LXXIIII.

I N qua significatione aliquis planeta, stella fixa,
plurium stellarum commixtio, vel cœli locus,
præcipuè excellit, ad illum Significatorem, om-
nes reliqui tum planetæ tum fixæ, in illa quidem
significatione comparari debent: vt quid vel au-

E.i.

xilij,

xilij, vel impedimēti ab illis recipiat in sui muneris administratione, artificiosa eliciatur indagine.

LXXV.

- 1 **Q**UOD Fixarū mutua interualla, ex omni temporis æternitate nunquam sunt mutata, huius elementaris mundi illis rebus, quæ & sui etiam status constantem valde retinent conditionem, istas maximè præesse demonstrat. Cum tamen, & istæ, Motu quodam (scilicet tardissimo) secundum Eclipticę longitudinem versus orientem, tam ferantur vniformiter, ac si omnes vno eodemq; agerentur spiritu, hoc quidem & maximarum nostrarum rerum, seu illarum quas iam, è nostris, maximè constantes, suisq; similes maximè, iudicamus, mutationes, vicissitudinesq; fieri significat. Istarum deniq; per Diurnum Totius motum, Circunductio: ad totam illam coelestem constantemq; Harmoniam, ex omnibus stellis fixis resultātem, qua sibi mutuò sunt colligatę (quę etiam rerū omnium quasi Forma Prima existit) toti elementari regno, & totam cuiuslibet eiusdem particulę, per principales partim suos radios, partim per accidētarios, abundātissimo quidem modo impertiendam, (ita ordinante Totius beneficentissimo & Sapientissimo Opifice) est instituta. Et hoc ni esset, Nullum, ne vno quidē die (naturaliter) præseruaretur Indiuiduum.

LXXVI.

VT Motus Fixarū proprius, generaliter nobis demonstrat, easdem talium effectuum esse causas, qui longo temporis cursu incrementa atq; alterationes suscipiant suas: Sic pro naturæ proprietate, quæ duabus quibuscūq; vel pluribus fixis (tām ex sensibili earum radio, quām ex virtute specifica) inest, ipsius naturam euentus, qui à duabus, vel pluribus stellis fixis efficitur, significaturūe propriè, diuersam esse, est necesse.

77.

AGens debile, vt actionis fortioris specimen edat, quām Agens simpliciter æstimatū fortius, sepè vsuuenit: & hoc, aliquādo propter diuersitatem Subiectorum, (in quæ agunt) in dispositione sua natiua, siue artificiosa: aliquādo autem, propter alias causas. Hoc maximè norūt, qui Artis Sanctæ Limina Salutârunt. Quod ritè enim Septies est Separatū, Præparatū est, vt Septies quoq; Coniungatur: ad celeberrimam illam philosophorum Gameæam conficiendam. Hoc (Dei Nutu) דַּעֲיָהִם Daidicū, esse, assertere audeo: quod ita nobis Dualiter expressū est.

LXXVIII.

Non est ergò mirum, fixarum Stellarū, quasdam, quæ inter illas minimæ iudicantur, annis singulis certas atq; sensibiles in aère & alijs rebus, effectus producere: Tūm quòd illæ (licet à

E.ñ.

nobis

nobis maximè distent) terra plus octodecim vicibus maiores existant: tum etiam, vel quòd materiae, in quam agunt, aptissimam inueniunt dispositionem: vel quòd ab aliquo planeta, earundem corroborati radij, viuaciores quasi, firmioresq; in terram torquentur: vel ab accommodatissimo aliquo *του περιέχοντος* ad stellarum exprimendas vires loco, adiute, tam exiguo temporis interuallo, suarum repetant virium effectiones. Quid de illis ergò fixis cogitare debemus, quarum aliae totum terrestrem globum sua mole trigiesies, aliae quinquagesies quater, aliae septuagesies, aliae octuagesies excedunt? Sed illarum (te quæso) quæ terræ soliditatem, centies septiesq; sua complectuntur magnitudine, quantam credere debemus esse efficientiã? Ab omnibus ergò omnium ordinum fixis, diuinissima per coelum distributis harmonia, quantam quasi diuinitatem simul in terras deriuari censendum?

LXXIX.

SI ex Diei naturalis tempore, deducatur vna æquatoris periodus, residuumq; tempus in æquatoris partes resoluatur, clarissimè apparebit quanta æquatoris portio, versus occasum, verè naturaliterq; (præter suã integram periodum) intra vnius diei naturalis spacium, per ascensiones (Rectas, nominatas) promoueatur. Atq; hæc est vera & propria demonstratio, illius utilissi-
ma

APHORISTICA.

me ac admirabilis Astrologicę Praxeos, quę cōmuniter DIRECTIO appellatur DIVINA.

LXXX.

QVando illum *Æquatoris* progressum Directorium, quolibet die naturali, secundum ascensiones Solaris loci rectas, examinaveris, tunc vnā etiam totius cœlestis Machine, alium quemcunq; libet, contuere locum: cuius quanta sit facta promotio Directoria, super vel meridianū circulum, vel horizontalem, tali loco accommodatum, interea temporis, dum illam principalem, in Solis loco metimur, diligenter annotabis. Directorij autem motus quantitatem, nunc per ascensiones vel rectas vel obliquas, definimus.

LXXXI.

EX Die Lunari, subtrahas *Æquatoris* periodū, & quātum, illo modo, in die vna Lunari, cuncta cœlestia loca, pro ratione suarum vel rectarū vel obliquarum ascensionum, Directoriē (vt ita dicam) protrudantur, clarum euadet.

LXXXII.

Periodus Horizontalis Diurna, planetę, stel-
lę fixę, est tēpus quod fluit, dum illorum centra per motū Totius Diurnum, ad eundem restituuntur horizontalem circulum.

LXXXIII.

EX Horizontali Solis vel Lunę periodo, vnā
E.ij. æquatoris.

æquatoris periodum subtrahe : residuum , illam æquatoris portionem monstrabit, quæ (præter vnâ sui integram reuolutionē) versus occasum, talis periodi spatio, Directoriè promouetur.

LXXXIII.

Licet Solis & Lunæ, generalissimæ fuerint & clarissimæ vires, in hoc Directionū artificio, Reliquorum tamen quinque planetarum (maximè in eorum proprijs significationibus) & Fixarū, multiplices efficientiæ, simili debent obseruari disciplina: tam in eorum diurnis ad meridianos reuersionibus, quàm ad horizontales quoscunque circulos. Nullis autem nos, alijs quàm veris, nūc vti stellarum motibus memineris. Caueant ergo qui vel singulis diurnis planetarū Directionibus vel annuis (de quibus alibi agemus) certam, eandemque præscribunt vel graduum vel minutorum quantitatem.

LXXXV.

Periodi diurnæ quinque planetarum, quādo retrogrado feruntur motu, æquatoris periodo sunt minores. Vnde per istos, tum æquatorem, tū alia singula mobilia cœli loca, versus orientem postponi est necesse. Hancque æquatoris periodi anticipationem, Veteres, Directionem conuersam appellabant. Hanc autem tam ad Meridianos quàm etiam Horizontes referri, non est necesse pluribus docere: aut ex æquatoris periodo, retropedantium

retropedantium periodos diurnas quascunq̃, auferri debere, cū satis per se sint clara.

LXXXVI.

EX IOVIS periodis diurnis, ad æquatoris periodos comparatis, vera patet & physica demōstratio Directionis cuiusdam, ab Antiquis, PROFECTIONIS ANNUE, nuncupatæ: In qua, coelestia nonnulla loca, per vnum circiter Dodecatemoriū, versus occasum promoueri tradunt. Verū, si vel Profectionis istius partes, ad Iouis verum diurnum motum: vel ipsam annuam Profectionem integram, ad Iouis verum motū in vno anno Solari, referre velis (vt Naturate facere vrgebit) clarissimè tunc cernes, nec directo semper modo ista dirigi: nec eandem esse (singulis annis) graduū multitudinem, quæ vel super meridianos, vel horizontes varios, pro ratione Iouialis motus veri, integræ Profectioni annuæ respondet: Deniq; non solum quinque vel quindecim loca ita considerari posse aut debere, sed infinita ferè, tam planetarum scilicet, quàm fixarum. &c.

LXXXVII.

QVomodo DIRECTVS Planetę motus, nō solū ad eiusdem maiorem supra nostrū Horizontem exhibēdam Moram, confert, esse perpendendū: sed qua etiam ratione, intra suam Diurnam periodū, Harmonicam illam æquatoris

E. iij.

periodum

periodum complecti, eundem facit: & ad præcipuū suum deniq; munus conficiendum (secūdum Eclipticę scilicet Longitudinē) multò reddit habiliorem, significamus. PLANETAS ergò, cursu DIRECTO progredientes, generaliter iudicare fortiores, fortunioq; quodā affectos, non est à ratione alienum. Vnde motu Latos VELOCI, certissimū est, plus tū habere fortitudinis, suasq; tum foelicius peragere significationes. Quando cum planetarum veloci cursu, etiam concurrat eorundem ad terram propinquitas maior, ex Theoricis constare tibi potest.

LXXXVIII.

PLANETA RETROGRADVS, Naturę constās decretum quodam modo perfringere videtur: periodum suam diurnam breviori absolvēdo tempore, quā ipse Equator: cuius motus, eò quod citatissimus est, sibiq; semper æqualis, Temporis fit nobis norma. Secundò, cum ex generali Naturę instituto, Coelestia cūcta, in motus diurni ratione, primum sequi Mobile deberent, Retrogradus autem iste planeta, (quasi sibi commissis habenis) suo nisu, primo Mobili aliquam huius sui muneris particulam præripere videtur. Tertiò, ex Diurna sua quaq; periodo, aliquam illius vniuersalis Harmoniæ particulam excludit: & post aliquot elapsos dies, notabilem Totius portionem, versus ortum repulisse videbitur:

APHORISTICA.

bitur: quandelamq; magnā æquatori Iniuriam in-
tulisse: cū ille, versus occasum, perpetuò rotari
debeat. Quintò, pertinax iste planeta, munus su-
um proprium, præcipuumq; deferere videtur.
Propria enim cuiusq; planetæ periodus, versus
ortum absolui debet. Sextò, opportunitatem
illam qua ad suas fortius exercendas vires, uti po-
terat, (ob moram supra nostrum horizontem
maiorē) recusare iudicabitur. Nec Solem igitur,
nēque Lunam (omnium corporearum creatura-
rum præstantissimas, mundoq; elementari bene-
ficentissimas, immò rerum hīc omnium quasi Pa-
rentes) istis implicari retropedationibus, voluit
Deus. Neq; reliquos quidē: nisi ad breue quoda-
dam tempus (si ad integras eorū periodos, illud
conferas) tali uti tergiuersatione, patitur. Verū
nullo cum NATVRÆ VNIVERSALIS
incommodo, hoc ab istis patratur. Non magis
quā acerrimæ illæ infinitarum penē rerū An-
tipathiæ, NATVRÆ VNIVERSALIS
statum vllō modo labefactant: quin ad gratissi-
mum potius ornatum egregiē faciunt: & ad NA-
TVRÆ perpetuandam incolumitatem, condu-
cunt vel maximē. EX RETROGRADATIONE
tamen, particularis aliquis effectus (quē scili-
cet talis planeta in se receperat perficiendum) in-
terim non promouetur, sed quasi retroagitur: Fa-
cta q; Infecta fieri videntur. At quis est, qui hæc,

F.i.

tum

tum in Politicis, tum œconomicis negotiis esse necessaria, summeq; interdum vtilia, nō cernat. Satiuscq; esse recurrere (vt dicitur) quàm malè currere. Iuuat ergò interdum planeta retrogradus, licet non directo ordine, sed quasi fortuito, & ex abrupto: & in contraria ferè significatione.

89.

Planetæ in maximis suis à Terra distantijs (circa sua scilicet Apogæa versâtes) in rebus quarum tunc fuerint proprii Significatores, fortius magnificentiusq; suas exercēt vires, quàm in eisdem faciunt, quādo Terræ, circa sua nimirū Perigæa, proximi feruntur. Contrā autem, in alijs sibi subiectis rebus, viuacius efficaciusq; operantur, in sua maxima ad Terrā propinquitate, quàm in eisdem operari possunt, quādo à Terra, quàm queant longissimè distant. Huius Aphorismi demonstratio ex 41, 43, 73, 77, & alijs prius explicatis aphorismis, maximum suum & lumen & robur habet. Vt ergò in eadem, rerum per eundem planetam significatarū, specie, distinctè exacteq; iudicium proferas, loca maximarum & minimarum à Terra distantiarum, pro vnoquoq; planeta, sint tibi prius nota. Per artificium autem Catoptricum, quinque planetarum Aliquem, (idē paucorum dierum Spacio) longissimè à TERRA distare facies: Et denuò (ictu ferè oculi) ad Perigeum, quasi Nouum, deducere possis. Quosdam

me.

me olim legisse memini, in Sole Lunaq; idem fu-
isse expertos opus. Sed vidētes, *ἡ φεναξαν ἔδυν.* &c.

90.

QVoniam Solis non est semper aequalis potē-
tia, nec eadem significandi ratio: singulorūq;
etiam planetarum sint distinctę significationes, ac
aliæ alięq; eorundem fiant vires, non debet idem
de vniuscuiusq; planetę COMBUSTIONE, pro-
nuntiari Iudiciū. Licet autem Solis excellentissi-
ma fuerit & potētissima virtus, nō tamē semper
lēdet, dū alium planetā COMBVRERE Astrolo-
gi dicūt. Fieri quidem potest, vt ille, Cōbusti pla-
netę naturā ad amplitudinem quādam & mag-
nificentiam euehat: eiusdem omne ius, in suas vi-
res trāsferēs. Sed dū lēdit, varia est ratio. Ex Gra-
duationū regulis, de quibus supra, aphorismo 19,
egimus, quid sit omni tēpore de tali Cōbustione
statuendū (quantum ad sensibilibus radiorum o-
perationem) simplicibus semel definitis plane-
tarum naturis, clarissime depromi potest.

xc1.

NVllus est terrestris globi locus, quem Sol, Sa-
turnus, Iupiter, Mars, aut stella fixa quęcū-
q;, nō illustrat suo directo sensibiliq; radio, spatio
vnius suarum diurnarū periodorū, dū sub Æqua-
tore, secundum sua vera ferantur loca. Maximum
igitur est huius loci priuilegium: ex quo, tantillo
tempore, totus terrę orbis sensibilibus directisq;

F.ñ.

horum

horum radijs illuminari, foueriq; possit.

92.

DVequecunq; stelle, in locis **ANTISCIIS** secundum æquales, & in eandem mūdi partem declinationes positæ, & quales supra eundem horizontem verum, acquirunt moras. Et in æqualibus ab eodem Meridiano distantijs, omnes suæ radiosæ incidentiæ angulos, & quales facient. Vnde per motum Totius diurnum, suis radijs, istæ stelle, Terrestræ quodcunq; corpus, per mutuas vices ita inuoluunt, implicantq;, ac si, eiusdem, illis esset similis commissæ cura. Ex natura ergo ita cooperantium stellarum, & interualli earundem schematici, siue aschematici ratione, qualis ab eisdem, in (notæ constitutionis) proposito corpore, sit generaliter expectandus effectus, inueniri potest.

XCIII.

Licet coelestis cuiusq; Circuli, æquatori paralleli, pars illa, quæ sub Meridiano alicuius loci extiterit, (ex omnibus illius paralleli partibus) cum eius loci horizonte vero, incidentiæ angulum faciat maximum: Tamē Eclipticæ illa pars solum quæ ab horizonte Nonagesima fuerit, altissimè semper supra horizontem eleuabitur. Hanc autem nonagesimam partem rarissimè in Sphæra obliqua, at in Sphæra recta semper sub

sub Meridiano inueniri, cuius, vel mediocriter in Astronomicis versato, notissimum esse scio. Hinc in locis, quorum Vertices inter æquatorē & Mundi polos fuerint, illa Eclipticæ pars, quæ sub Meridiano, quocūq; proposito tempore reperitur, Cor cœli, appellari cæpta est: Nona-
gesima autem pars ab ascendente loco, Domus
decima.

XCIII.

S Tellæ omnes, vt sunt Luminis participes, ita (præter suorum insensibilium radiorum & specificas suas vires) caloris cuiusdam sunt effici-
entes causæ.

95.

V T s o l singula cœlestia corpora, sua supe-
rat magnitudine, Sic cœlestis Luminis qua-
si fons perennis ac immensus est: calorisq; nobis
sensibilis, ac vitalis, præcipuus effector.

XCVI.

I Llum Calorem, quem Solis radiosi Coni tota
Basis (ipso tunc Sole, in sui circuli Perigæo, &
in minima Eccentricitate versante) in illud ter-
renæ Superficie naturalis punctum, quod tum
sui radiosi coni vertex fuerit, tum etiam cui Sol
perpendiculariter imminet, efficiendo exercet,
(Doctrinæ huius nostræ illustrandæ gratia) esse
potentiæ cuiusdam, instar Sexaginta, siue Centū
graduum, ponere solemus.

F. iii.

XCVII.

Non potest ergò nobis ignotum esse, quânto calore suo proprio, aliud quodcunq; terreni globi punctum, cui SOL in quouis alio sui Circuli loco, perpendiculariter imminere potest, afficiet: respectu illius sui maximi caloris.

ET qui Solis sibi impendentis calorem, in aliqua conuenienti materia aptè experiri nouerit, Is, non secundum proportionem solùm, sed etiam secundum rei veritatem, intelliget, quântum calorem omni alteri puncto terrestri, cui imminere potest, impertiet.

Data proportione inter duos caloris gradus, quos Sol in duobus diuersis sui Circuli locis, in terrena loca, illi perpēdiculariter subiecta, exercet: Si, quocunq; dato tempore, (lucente nobis Sole) per aliquod artificium nostrũ, à nobis sensibiliter excitari potest Calor, qui vni dictorũ fuerit æqualis, possibile est etiam, per artificiũ & industriam nostram, vel eodem momento, vel alio quocunq; (Lucente Sole), talem caloris gradũ sensibiliter excitari, qui illi alteri sit æqualis. Ad quantã autē distātiã, híc nō est explicādi locus.

c.

Per hos eosdem Canones, accuratius examina,
quantum

quantum reliqui planetæ, à Solis virtute calefacti-
ua deficiant, ratione basium suarum Conicarum,
respectu alicuius puncti terrestris, cui perpendi-
culariter imminere possint, in minimis eorundē
à centro terræ, distantijs. Istorum bases & distā-
tias, ad Solis basim & distāciam comparabis: &
Calores ab istis procreatos intelliges. Hoc tamē
memoria tu semper teneas firma: vnumquemq;
Planetam, ex sui proprii corporis ratione, sensi-
bilem aliam qualitatem, generali caloris comi-
scere virtuti. Et qualis illa fuerit, non in omnibus
solum planetis, sed stellis etiam fixis, (Si 53 apho-
rismum experiaris) per Lunam expiscari potes:
& alijs etiam vijs.

Ci.

V Arietas Lunaris caloris, in quodcunq; cui
perpendiculariter imminere potest pun-
ctum, per Solis etiam canones cognosci potest.
Scilicet, si non solum eius, à terra distantiam, sed
sue etiam illuminatę partis conuexę, quę ad ter-
ram conuertitur, quantitatem, (instar ipsarum
conicarum basium in alijs planetis) quocunque
proposito tempore examinemus. Non tam apte
tamen Lunares sese (ad operandum) coadiuuare
radios, in Corniculari eius figura, quam cum ad
orbicularem magis accedat, Cauti & diligentis
Astrologi iudicio, relinquo considerandum: vt
& alia in istis Aphorismis multa.

Cii.

VT **L** **V** **X** & **M** **O** **T** **V** **S** sunt coelestium corporum maximè propria, ita inter planetas, **S** **O** **L**, **L** **V** **C** **E** propria omnes alios superat: & **L** **V** **N** **A**, proprii **M** **O** **T** **V** **S** pernecitate, reliquos omnes vincit. Hi ergo duo, omnium planetarum excellentissimi, meritò censentur.

103.

L **V** **N** **A**, potentissima est humidarum rerum moderatrix: humiditatisque excitatrix & effectrix.

104.

V **T** Solis excellentem **L** **V** **C** **E** **M**, præcipuum vitalis caloris moderamen comitatur: ita cum **L** **V** **N** **A** **E** **M** **O** **T** **V**, mira quadam analogia, coniuncta est eius vis, humiditatis effectiva & moderatrix.

105.

L **V** **N** **A** quò terræ propinquior, & proprio motu, quò fertur velociori, eò suum in res humidas, potentius exercet dominium.

106.

S **O** **L** **E** **M** & Lunam omnium in elementali mundo nascentium & viventium, tum procreationis tum conseruationis, præcipuas (post Deum) & verè phycas esse causas, ex his fit manifestissimum. Per Calidum enim & Humidum, πάντα συνέρχεται καὶ ἀνφέται, (vt philosophi nostri verbis utar).

Ista

Ista enim duo solum, *γυναικὲς* sunt.

107.

A Nni constitutionem generalem, ex quolibet certè die, per quādam analogiam, esse demonstratam videmus. Habet enim quilibet Dies naturalis, suum, tum ver, tum Æstatem, tū Autum, num, tum Hyemem. Ex solo ergò Solis calore, per se partim, partim per accidens, omnes primæ produci possunt qualitates, & necessario ordine. In quibus, si principia, media, finēsq; statumamus, Duodenarij cuiusdam rationem cernemus. Et pulchrum est considerare, quo modo tandem sub ipsis Mundi polis, ipse Annus est nisi instar Diei vnus naturalis. Aphorismum istum ad altiora traducas, & maximum Secretū habes, Tu, qui Trinitatis in vnitatem, mysteria tractas physica: & ad Noctis multicoloris Nigredinem, Opus inuoluendum tuum, anhelas.

CVIII.

V Iginti sex diuersas habitudines, quæ inter fixa sidera & Solem esse possunt, pro diuerso istorum & Solis in quatuor Angulis positu, ad alios etiam planetas trāsfer: maximè ad Lunam. Sicq; consurgēt, ex omnibus planetis, cum stellis fixis, hoc modo comparatis, 182 diuersæ rationes cōsiderandę. Ex magnę cōstructionis Ptolemęi, libro octauo, has discēs ad Solē habitudines.

G.i.

CIX.

CIX.

Corporis imperfectio, proxima & maximè propria Mortis physicae causa est, non Anima. Mortis ergo naturalis, causa quoque naturalis: Ex Naturæ igitur generalibus Gubernatoribus, generaliter pēdet & præsignificatur. In Humano certè genere, Nemo ultimum sibi a Deo præfinitum viuendi Terminū præterire potest: Negligētia autem, paucissimi illū attingūt: Duplices vnde cōstat humanæ vitæ esse Terminos.

CX.

Anima humana, & Forma vniuscuiusq; rei specifica, multò & plures & præstantiores virtutes, operationesq; habet, quàm vel ipsū Corpus, vel eiusdem rei Materia.

CXI.

Insensibiles, Intelligibilésue planetarum radij, ad eorum sensibiles, sunt instar Animæ cuiusdā ad suum Corpus.

CXII.

Siderum quædam, eatenus **MALEFICA** aliquando vocantur, quatenus eorundem vires in corruptā Naturam, vel malè dispositam Materiam immittuntur: (Hoc nos docente Aphorismo Septimo) Ipsa enim Sidera, per se, nihil operantur mali.

CXIII.

Omniū rerum in mūdo elementari existentium,

tium, quæcunque fuerit diuersitas naturalis, ea ex duabus præcipuè procedit causis: scilicet ex Materialiarum diuersitate, & varia stellicorum radiorum operatione.

CXIIII.

OMnis res, quantumcunque exigua, in mundo elementorum existens, totius coelestis Harmoniæ est Effectus: siue Exemplum quoddam & Imago. At in quibusdam rebus, hoc clarius quam in alijs apparet.

CXV.

EX ANALOGIA corporum coelestium, tam in seïpsis, variè consideratorum, quam inter se mutuò comparatorum: & illorū omologa semper, in isto Elementorum regno, (ex arte à nobis suprà tradita) accuratè secernendo, amplissimam tui tibi viam, ad perfectam Astrologiæ sapientiam, sternes.

CXVI.

QVoniam Septem planetae, 126 diuersas Coniunctiones nobis exhibere possunt, (scilicet dum bini coniunguntur, 21: dum terni, 35: dum quaterni 35: dum quini 21, & dum seni, 7: & dum omnes simul copulantur, 1) verissimèque summus dicter philosophus, quod ἐν αὐταῖς καὶ τὰ ἡγῶσις τῶν γινόμενων ἐν τῷ κόσμῳ, τῆς γένεως καὶ τῆς φθορᾶς: Circa illas 126 Coniunctiones, generalissimam hanc nos proponimus Methodum. Quando

G.ij.

do

do solum duo ex septem, copulantur, 21 variae esse possunt coniunctiones: & in illarum singulis, quis duorum planetarum fuerit fortior, considerari debet. Ex duorum ergo coniunctione, 42 diversae oriuntur considerationes: Eademque ratione, ex trium corporali coniunctione, 210: ex quatuor, 840: ex quinque, 2520: ex sex, 5040: & ex septem, 5040 variae considerationes provenire possunt. Qui omnes considerationum modi, sunt 13692: qui tantum ex corporalibus planetarum coniunctionibus pendent: eorum etiam viribus, generalissime tantum, & non ad certos gradus (unde innumerae ferè myriades, considerationum variarum, procrearentur) suppositis esse inaequalibus.

CXVII.

PEnitius Naturae virtutes introspecientes, eorumque etiam, quae superius, clarissime variisque modis, confirmavimus, satis memores, circa unamquamque mundi rem, omnium septem planetarum radios, secretioris influentiae, aut sensibiles principales vel accidentarios, omni tempore concurrere, commisceri, certissimum esse asserimus: perpetuamque horum omnium, in rebus mundi omnibus (effectuum certe naturalium ratione, licet non secundum ipsorum vera in Caelo loca) manere coniunctionem. Unde si inaequales semper eorum essent vires, Natura 5040 modis variis generalissimis, eorum posset dispensare operationes,

APHORISTICA.

nes, quantum ad virium differētiās. Verūm, si interdum duos, æqualibus fortitudinis numeris affici, interdum tres, interdum quatuor, interdum quinque, interdum sex, & interdum omnes (licet rarissimè) consideremus: æqualitatemq; istam vel in supremo vel infimo, vel intermedijs posse inueniri gradibus: varios inde modos, per methodum prius explicatam, eliciemus 20295: quibus coniungamus inæqualitatis absolute modos 5040, consurgent modi 25335, generalissimi quidem: in quibus per Graduationū regulas, philosopho est dignissimum exerceri: vtilitatem enim reportabit, & voluptatem immensam. Et quò istorum duorum Aphorismorum veritatem, rationemq; Logisticam intelligas, praxeos nostræ quandam formulam tibi proponemus, in multis alijs etiam rebus vtilissimam. Facileq; poterit industrius artifex, hanc Methodum ad infinitatem quandam extendere: & non pati in Septenario solū consistere numero.

Praxeos Formula.

G. iij.

Pro Aphorismo

PRO PAEDEVMATA

Pro Aphorismo

CXVI.

Pro Aphorismo

CXVII.

1		1	0	0	0	7	5040
2		2	21	42	2	6	15120
3		6	35	210	3	5	4200
4		24	35	840	4	4	840
5		120	21	2520	5	3	120
6		720	7	5040	6	2	14
7		5040	1	5040	7	0	1
			13692				25335

Planetæ inæqualis fortitudinis coniuncti corp.	Transpositiones secundum inæqualitatis generalia discrimina.	Varietates coniunctionum binorū, ternorū. &c.	Coniunctionum variarum per coniunctorum numerum transpositum, Multiplicationes.	Planetæ æqualis fortitudinis coniuncti.	Inæqualitas, ex æqualitate, producta.	Æqualitates secundum conditiones varietatis & inæqualitatis (ex æqualitate profectæ) transpositione, considerationum rationes varietatis.
--	--	---	---	---	---------------------------------------	---

Quoniam ratio constructionis secundæ partis istius tabellæ difficilior videri possit: vt studiosi in hac re aliquatulum iuuentur, exemplo adhibito, eandem explicabo. Si bini planetæ tantum (ex septem) æqualis statuatur esse fortitudinis: inde
inter

APHORISTICA.

inter omnium fortitudines, sex generalissime habebuntur differentiae: (vt ex quinta & sexta columna patet) At per tertiam columnam, binaria coniunctio inter septem planetas, 21 varijs modis, alia aliaq; esse potest: Et per secundam columnam, planetarum sex inæquales fortitudines, 720 modis diuersis considerari possunt. Multiplico igitur 720 per 21, & prodeunt 15120. quem numerum in vltimæ columnæ secundo descendente loco inuenies: Eadem est operandi ratio, cum tres, quatuor, quinque, vel sex, æquali supponantur esse prædicti fortitudine: Denique ad ampliorem huius rei explicationem, en tibi breuissimam operis formulam.

Planetæ æquali prædictæ fortitudine.	2	21	Coniunctiones variez ex binis planetis.
		Multip.	
Fortitudinum inæqualitates.	6	720	Transpositiones inæqualitatis in senario numero.
Productum. 15120.			

CXVIII.

Cum in anni alicuius Solaris Reuolutione, alterius planetæ periodi notabilioris principio, vel quocunq; alio tempore, fortis aliqua & rara in coelo fuerit vel planetarum inter se, vel planetarum cum fixis, configuratio: vel Phaenomenum inuisitatum Meteorologicum, Per totum terræ orbem astronomicè Circumspice, Quis ter-
restris

PROPÆDEVMATA

restris locus fortissimam propriamq; cœli figuram, in quocunq; velis significato, talis configurationis, Apparitionisue primæ momento, obtineat, vel obtinere possit. Hinc enim non solum à stellarum, aliorumq; coelestium, & Sublimium naturis, euētus illius Loci proprios maximè, sed ab euētibus egregijs Locorum terre particularium, proprias planetarum, fixarumue & aliorum coelestium, Sublimiumq; eliciendi naturas, modus datur insignis, secretusq;. Hinc etiam Sapiēs, (modò Cosmopolites esse possit) nobilissimam Scientiam haurire potest: siue de prosperis procurandis, siue remouēdis noxijs: vel econtra: tam sibi quàm alijs. Locorum terrestrium Opportunitas, tanti est momenti.

Annotatio.

* Sic illos Circumspexisse Magos est verisimile, qui olim dixerunt,
STELLAM EIVS VIDIMVS IN ORIENTE.

CXIX.

Χωρίς τῆς κοσμικῆς συμπαθείας, τοῖς ἀνθρώποις οὐδ' ἐν ἐπιγίνεται: vt nos Mercurius ille Termaximus docuit.

120.

Ἰκανὰ τὰ ΘΕΙΑ, καὶ ἡ τούτων περιφορὰ, τὴν ἐν τῷ κόσμῳ τῶν φυσικῶς γινομένων, Συνεχίαν φυλάσσειν.

SOLI DEO HONOR ET GLORIA.

SVPERCAELESTES
RORETIS AQVAE.

ET TERRA FRVCTVM
DABIT SVVM.



IN TERNARIO CONQVIESCENS.

Excusum Londini apud Re-
ginaldum Vuolfum, Regiae Maieſt.
in Latinis Typographum.

ANNO DOMINI M.D.LXVIII.

Januarij. 9.